

29 MAY 2001

DR MAHATHIR KE JAKARTA UNTUK HADIRI G15

KUALA LUMPUR, 29 Mei (Bernama) -- Perdana Menteri Datuk Seri Dr Mahathir Mohamad berlepas ke Jakarta petang ini untuk menghadiri persidangan kemuncak Kumpulan 15 Negara Membangun (G15).

Beliau diiringi isterinya Datin Seri Dr Siti Hasmah Mohd Ali.

Antara yang berada di pangkalan Tentera Udara Diraja Malaysia (TUDM) Subang untuk mengucapkan selamat jalan kepada Perdana Menteri ialah Timbalan Perdana Menteri Datuk Seri Abdullah Ahmad Badawi.

G15 merangkumi negara-negara Selatan dari Asia, Amerika Latin dan Afrika untuk meningkatkan kerjasama dalam perdagangan, pelaburan dan teknologi di samping sebagai platform bagi mengembangkan dialog antara Selatan dan Utara.

Kumpulan itu mempunyai 19 anggota terdiri daripada Algeria, Argentina, Brazil, Chile, Colombia, Mesir, India, Indonesia, Iran, Kenya, Jamaica, Malaysia, Mexico, Nigeria, Peru, Senegal, Sri Lanka, Venezuela dan Zimbabwe.

Selain Dr Mahathir dan Abdurrahman Wahid, ketua-ketua negara yang dijangka hadir ialah Presiden Nigeria Olusegun Obasanjo, Presiden Senegal Abdoulaye Wade, Presiden Venezuela Hugo Chavez, Perdana Menteri Mesir Atef Ebeid dan Perdana Menteri Jamaica James Patterson.

Laporan dari Jakarta hari ini menyatakan hanya tujuh ketua negara G15 akan menghadiri Sidang Kemuncak kali ini, yang pertama dianjurkan oleh Indonesia sejak G15 ditubuhkan pada tahun 1989.

-- BERNAMA

SHS ES NMO